
民國叢書

第一編
· 79 ·
歷史·地理類

中山出世後中國六十年大事記

半
粟編

上海書店

中山出世後中國六十年大事記序

晚近六十年間。爲我國變遷極劇烈之時代。內之受數千年遺傳專制政治之餘毒。外之復遭列強帝國主義之侵凌。我國人民感於兩重壓迫之痛苦。初猶酣睡不起。繼乃稍稍自覺。起爲解放革新之運動。終之此項運動進展。及於全國。遂不得不與前述壓迫之勢力短兵相接。血肉相搏。辛亥年之首義建設。亘古未有之中華民國。與今茲之統一告成。要不外此種解放運動。革新運動。與壓迫勢力肉薄之結果。故知此六十年中。實吾華民族感內外兩重勢力之壓迫。而爲解放運動。革新運動之時期也。中山先生適逢其會。且爲畢生領導此項運動之人。在此長期之奮鬥中。吾國政治上社會上一切之制度典章思想文化。均呈動搖不安之象。舊有之文物。既已漸次破壞。失其信仰。新起者又多未完成。而無統御社會之能力。以致舉國惶惶。靡所

依歸。故自此點觀之。此六十年間。實亦吾國社會新舊遞嬗思想過渡之時期也。語云。事前不忘。後事之師。今當革命告終。建設伊始。未來設施千端萬緒。既無成法之可循。外來之學說。歐美之先例。亦非生吞活剝。效顰學步所能適應於吾國之社會。此歷史之研究。所以爲當前必要之圖。而歷史之中。又以最近六十年間。尤有重大之意義。然一觀近今史籍。求其有系統之紀載。詳細之敘述。足供吾人適當之參考資料者。尙屬闕如。然則本編之作。所以有不能已焉者歟。是爲序。

中山出世後中國六十年大事記

同治五年丙寅——公曆一八六六

正月 △派知縣斌椿率同官生遊歷外國 △新疆回匪作亂伊犁失守塔爾巴哈臺失守 △贊大臣武隆阿死之

三月 △甘肅省城蘭州府督標兵變戕官踞城時總督楊岳斌統軍在外直還省城討平之 △軍機大臣兵部尙書曹毓瑛病卒命左副都御史胡家玉在軍機大臣處行走

四月 △以馬如龍署雲南提督 △貴州回民襲踞興義府城 △以德興阿爲塔爾巴哈臺參贊大臣以榮合署伊犁將軍 △命西安將軍庫克吉泰督辦新疆北路軍務以德興阿爲幫辦

六月 △左宗棠奏請於福建擇地設立工廠試造輪船從之 △命巡撫沈葆楨司船政事務 △專摺奏事

八月

▲楊岳斌以病免，調左宗棠爲陝甘總督，吳常爲閩浙總督，瑞麟爲兩廣總督，左宗棠未到以前，陝甘總督暫由穆圖善署理。

九月

▲大學士祁雋藻卒，贈太保，諡文端。先是咸豐時，曾國藩以丁憂在籍侍郎起鄉兵，收復湖北，捷報頻至，文宗喜形於色，謂軍機大臣等曰：「不意曾國藩一書生，乃能建此奇功。」雋藻對曰：「國藩以在籍侍郎，猶匹夫耳，匹夫居閭里一呼蹶起，從之者萬餘人，恐非國家之福。」文宗默然變色者久之。▲與意大利結通商條約。▲捻匪分爲東捻西捻兩派。

十月

▲初六日寅時（即陽曆十一月十二日）孫文生於廣東香山縣翠亨鄉。孫文父名道川，母楊氏，家世業農，舉三男二女，長眉字德彰，次早逝，文其季也。時去洪楊軍之削平纔二年（按曾國荃攻克金陵在同治三年甲子六月）去英法聯軍入北京焚燬圓明園纔六年（按英法聯軍入北京在咸豐十年庚申九月）德意志聯邦尚未成立，法則尚在拿破崙第三之帝政時期也。

十一月 △命曾國藩回兩江總督任、授李鴻章欽差大臣、專辦勦匪事宜、湖廣總督王文韶任聽候查辦、尋改革職留任、△設營口海防同知。

十二月 △命步軍統領等嚴緝私鑄官錢並街市挑剔官錢、△命全慶赴直隸查辦事件、△文宗實錄聖訓成、△命理藩院右侍郎魁齡等探查西山水源、△新設奉錦山海關道、△照臺灣道例加按察使銜、△擒匪竄入天門縣、諭譚廷襄等督軍三面兜勦、△嚴諭曾國荃等痛勦擒匪、△命穆圖善力籌甘北防務、△賊陷甘肅平涼府城、尋收復、賞雷止綰黃馬褂勇號、△湖南官軍援助黔軍勦平苗亂有功、諭兆琛等乘勝洗勦、命成祿迅克肅州、援巴里坤、△貴州官軍克蕤竹山賊巢、諭劉嶽昭等乘勢殲除、並命張亮基夾擊、△英翰以賊趨豫境、撥軍防勦、諭嘉其不分畛域、△清水潭壩功成、優叙李鴻章、張之萬等、△以全慶爲禮部尚書、△擒匪勢甚猖獗、命曾國藩等廣籌方略、△劉蓉以遷延貽誤之罪奪職、△陝西省官軍潰、命左宗棠兼程入秦、並嚴諭鮑超等馳援、△丁寶楨請募東三省之勇丁、訓練馬隊、命妥議章程、△法國東洋艦隊砲擊朝鮮江華島事件起。

同治六年丁卯——公曆一八六七

正月 ▲以李鴻章爲湖廣總督，仍在營督辦勦匪事宜，以李瀚章爲江蘇巡撫，署理湖廣總督。▲命左宗棠爲欽差大臣，督辦陝甘軍務，以劉典爲幫辦。▲以太僕寺卿徐繼畲總管同文館事務。▲鮑超大敗捻匪於永隆河，劉銘傳約與鮑超同時進攻安陸，捻匪後劉銘傳謀奪首功，違約先一刻冒險進攻，竟破安陸之捻，事後銘傳內慚，超憤鬱成病，舊創復發，遂以病乞歸。

二月 ▲勞崇光卒，諡文毅。▲以張凱嵩爲雲貴總督。

四月 ▲大學士周祖培卒，諡文勤。▲劉松山大敗捻回各匪於陝西省西同州。

五月 ▲命曾國藩爲大學士，駱秉章爲協辦大學士，均仍留總督任。▲候選直隸州知州楊廷熙奏請撤銷同文館，是因詔求直言，大學士倭仁授意爲之。▲捻匪東竄，濟寧州之戴廟官軍失利，遂衝過運河。

七月 ▲捻匪由海神廟渡濰河，膠萊之防潰，李鴻章進扼膠萊不利。▲買收洋米以濟民食。

九月 ▲諭各省嚴拏哥老會匪。▲雲南省大姚定遠兩城失守。

十月 ▲命侍郎沈桂芬在軍機大臣處行走。▲派蒲安臣爲駐美公使。又派志剛孫家穀等考察各國。▲劉銘傳敗東捻匪於贛榆。殺降匪潘貴升匪首任柱。初銘傳破捻匪於濰縣之松樹山。又破之於牟山。捻匪之勢漸衰。任柱死後。推次王賴文光爲首。

十一月 ▲捻匪窺黃河。詔抽直東之師以守黃河。▲直隸梟匪蔓延北趨涿州永清霸州。劉長佑革職。命官文署理直隸總督。劉長佑親赴前敵殄除梟匪殆盡。▲新設布倫托海辦事大臣及幫辦大臣各一員。以李雲麟及明瑤充之。▲捻匪張總愚由陝西壺口渡黃河犯山西吉州。

十二月 ▲捻匪至揚州。官軍擊敗之。生擒逆王賴文光。東捻蕩平。▲協辦大學士四川總督駱秉章卒。贈太子太傅。諡文忠。蜀人頗有思賂者。調吳棠爲四川總督。▲以馬新貽爲閩浙總督。▲文宗本紀告成。▲諭沿江濱湖各省復修隄圩。▲以譚廷襄爲刑部尙書。▲爲江寧之役死難諸人建昭忠祠。並建婦女貞烈祠。

●是年法國收安南東南濱海之東浦寨爲保護領地。

同治七年戊辰——公曆一八六八

正月 ▲命吏部尙書朱鳳標爲協辦大學士。▲捻匪張總愚由河南竄入直隸南部，下詔切責李鴻章等，均奪其職。▲丁寶楨率軍先至河間府，下詔嘉獎之。▲因捻匪竄擾畿輔，京師戒嚴。▲命恭親王奕訢會同神機營之王大臣辦理巡防事宜。▲大學士賈楨因病致仕。▲定浙江減兵增餉章程。▲命賈楨等籌辦外城團防。▲命侍郎承恩馳往雄縣防剿逆匪。▲醇郡王請帶兵守護陵寢，詔嘉獎之，命在城布置勿出京。▲命五城嚴查匪匿。▲命左宗棠總統直隸各路之官軍。▲雲貴總督張凱嵩革職，以劉嶽昭代之。▲以岑毓英爲雲南巡撫。▲命朱鳳標爲大學士。

閏四月 ▲命吳坤修辦理安徽墾荒事宜。▲豫親王義道卒。▲命盛京將軍都興阿管理神機營事務，赴天津，會同左宗棠、李鴻章勦辦捻匪。▲左宗棠、李鴻章均交部嚴議。命都興阿爲欽差大臣侍郎崇厚副之。▲岑毓英遣將收復元謀，並攻克呈貢、武定、祿勸、徵江等城，與

提督馬如龍約共竭力報國、如龍感奮、由是雲南大局如有新機。

六月 △官軍蹙擒賊於荏平、逆首張總愚赴水死、於是西捻始平。

七月 △以勦滅捻匪之功、命李鴻章以湖廣總督爲協辦大學士、△浙江海塘工竣、△以宋

儒袁燮從祀文廟、△官軍收復貴州之龍里貴定縣、△黃河南岸榮澤汎十堡溢、△調會國

藩爲直隸總督、馬新貽爲兩江總督、英桂爲閩浙總督、命兵部侍郎彭玉麟赴江（江蘇）

皖會籌長江水師事宜。

八月 △命兩江總督馬新貽爲辦理通商事務大臣、江蘇巡撫丁日昌爲幫辦

九月 △始造輪船於馬尾船廠。

十月 △命李鴻藻在弘德殿及軍機大臣處行走、△逆匪吳亞終竄入越南之南木馬、因諭

蘇鳳文馮子材從速勦平、△吏部左侍郎吳存義卒、△山西省平定州會匪作亂、△諭各省

禁種鴉片。

十二月 △劉松山收復鎮清堡、烏魯木齊提督成祿收復肅州。

●是年俄國收布哈拉汗爲其保護國。

同治八年己巳——公曆一八六九

正月 ▲扼秦隴要脅董志原回匪棄其故巢徙金積堡，糧絕故也。涇州慶陽所屬平定，▲官軍收復貴州長寨廳城，▲以王文韶爲湖南布政使，▲提督高連陞劉松山之部下先後變亂，戕連陞因其部下多哥老會匪，追捕甚急，故遂變亂，松山往鎮撫之，旬日平定。

二月 ▲席寶田等敗苗數各匪，克復貴州鎮遠府衛二城。

三月 ▲雲南徵江府之回匪復叛，踞府城，▲黔匪陷安南普安，尋收復。

四月 ▲詔各衙門清釐問刑積案。

五月 ▲劉嶽昭收復尋甸，▲李鴻章奏請採買洋銅以資鼓鑄通貨，▲因庫款支絀停止各省鑄銅解錢，▲以回逆陷徵江府城，岑毓英交部議處。

六月 ▲派總理各國事務衙門大臣兵部尚書董恂、三口通商大臣兵部侍郎崇厚辦理與

奧大利國換約事宜，▲永定河溢。

七月 諭各省籌補常平倉。設滇餉總局於四川重慶府。定五城練勇緝捕章程。諭各省裁減錢糧浮費。諭馬新貽等設京口（鎮江）駐防官署。諭直隸山西河南三省定會哨章程。

八月 與俄國定松花江航行條約。嬖宦安德海矯旨出都，被捕於德州，於秦安府城伏誅。收復布倫托海。

九月 署寧夏將軍金順提督張曜等破叛回於寧夏城外。聖諭十六條及附律易解書成。

十月 席寶田破貴州苗匪，克復勝秉城。派總理各國事務衙門大臣戶部尚書董恂與美國訂結通商條約。寧夏靈州城克復。

十一月 裁撤布倫托海辦事大臣。諭河南省嚴禁越長蘆鹽之引地侵銷。禁朝鮮人越境入俄領西北利亞從事開墾。

十二月 命協辦大學士湖廣總督李鴻章督辦貴州軍務，以李瀚章署湖廣總督。

◎是年日本遣使至中國，求仿西洋諸國例，與中國訂結條約。安徽巡撫英翰密疏請勿許。遂止。是年爲日本明治二年前年，已將德川氏政權收回，廢止封建王政，復古開明治維新之基矣。

◎與俄國締結陸路通商條約。

同治九年庚午——公曆一八七〇

正月 ▲廣東陸路提督劉松山攻馬五寨，陣亡，贈太子少保，諡忠壯。▲禁崇文門巡役訛索。

▲薄安臣使俄，卒於俄。

二月 ▲命李鴻章督辦陝西援勦事宜。

四月 ▲岑毓英遣楊玉科攻哀州。▲調鄭敦謹爲刑部尚書，以沈桂芬爲兵部尚書。▲諭

廣東督撫申禁械鬥盜葬之積弊。

五月 ▲詔清理庶獄。▲命三口通商大臣兵部左侍郎崇厚爲出使法國欽差大臣，以大理寺卿成林署三口通商大臣。▲天津人民毆斃法國領事，焚燬天主教堂，命會國藩辦理交

涉軍流人民十五人、捕二十一人正法、天津知府張光藻知縣劉傑皆遣戍。

六月 ▲諭禁河南州縣私抽河東鹽釐 ▲命彭玉麟赴江南會同沿江各督撫整頓長江水師。 ▲命工部尚書毛昶熙赴天津會同直隸總督曾國藩查辦法國領事毆斃事件。

七月 ▲兩江總督馬新貽被張汶祥刺死、謚端敏。 ▲諭丁寶楨李鶴年整頓武備。

八月 ▲調曾國藩爲兩江總督、李鴻章爲直隸總督、李瀚章爲湖廣總督。 ▲命爲故兩江總督馬新貽建祠安徽。

九月 ▲大學士兩江總督曾國藩六十生辰、賜御書扁額「勳高柱石」並「福壽」二字。

十月 ▲命劉銘傳督辦陝西軍務。 ▲諭吳棠嚴禁四川州縣之苛派。 ▲以蘇廷魁爲河道總督。 ▲頒文宗顯皇帝聖訓。 ▲湖南官軍擊敗會匪於鳳凰山、諭李瀚章於湖北毗連境嚴爲防堵。 ▲裁撤三口通商大臣、併歸直隸總督管理、並增設津海關道。 ▲甘肅省甘涼肅三處回匪、由額哲呢河之土爾扈特竄入、三音諾顏部攻陷烏里雅蘇台、留四日、回肅州。 ▲席寶田攻克台拱、台拱苗寨以百數、蠻夷之最大者也。

十一月 △命奕榕等嚴緝吉林馬賊。△湖南官軍克復貴州之台拱廳。△詔各省嚴禁關卡

夷役之需案。△以兩江總督曾國藩充辦理通商事務大臣。△飭江浙兩省撥銀三十九萬兩、織辦大婚之綵綢。△官軍攻破金積堡、馬化隆既死、回黨遂瓦解。△貴州官軍攻克都勻府城、都勻曾爲苗人金幹二所占踞。△諭曾國藩等勸修蘇州松江二府水利。△諭東河總督嚴禁偷減侵蝕河工費諸弊端。△諭整頓京師捕務。

同治十年辛未——公曆一八七一

正月 △越南匪徒擾亂諒山地方、命總督馮子材馳赴太平府派兵應援。△大學士官文萃
諡文恭。△沈葆楨懇辭船政管理、不許。△命張廷岳撥兵赴科布多協防。△以文煜兼署閩浙總督。

二月 △命瑞常爲大學士、文祥爲協辦大學士。△岑毓英攻克雲南徵江府城、徵江被陷十餘年、圍攻一年、至是始克之、生擒匪首馬和等。△楊玉科又攻克賓店收復雲龍州城。△前任雲貴總督吳振玉卒。△設上海香港間海底電線成。△流民赴朝鮮擾亂、諭都與阿丁賓楨

飭沿海地方嚴密查禁。△授倭仁文華殿大學士。瑞常文淵閣大學士。△浙江孝豐縣土匪作亂，竄入建平，安徽官兵擊破之。

四月 △大學士倭仁卒，諡文端。倭仁喜談義理之學，一時稱爲理學名臣。△金順張曜攻克納家牘，寧夏平定。△湖南官軍攻貴州鎮遠，收復施秉各城。△命前革職直隸總督劉長佑爲廣東巡撫。△署廣西巡撫李福泰卒。

五月 △日本使臣伊達宗城及柳原前光來，請訂約，命李鴻章爲全權大臣，與議於天津。於本年九月定修好條約十八條，通商章程三十三款。△俄據我伊犁，先是俄國乘我內亂，蠶食我邊境，至哈薩克布魯特諸部，逼伊犁之塔爾巴哈臺，至是以兵六百名據伊犁，於是詔伊犁將軍榮全赴伊犁收復城池，並命劉銘傳由肅州出關，規復新疆各城而後回京。

六月 △命瑞麟爲大學士，仍留兩廣總督任。△光緒帝載活生。

七月 △陝回分掠西寧，白彥虎陷小南川，漢堡踞之，甘涼戒嚴，詔左宗棠分兵勦辦。△以徐桐翁同龢爲內閣學士。△鄭敦謹病免，以龐鍾璐爲刑部尙書。

九月 △命英桂留京，以張之萬爲閩浙總督。 △諭四川省嚴禁私種鴉片。 △詔各省設局收

養流寓之孤寡。 △提督馬德昭之軍潰擾潼關，尋勦平之。 △命曾國忠接統劉銘傳之軍趣

肅州防勦。 △以王文韶爲湖南巡撫。 △以元儒張履祥從祀文廟。

十一月 △以李鶴年爲閩浙總督。

同治十一年壬申——公曆一八七二

正月 △湖南瀏陽土匪作亂，官軍勦平之。

二月 △奉太后旨立翰林院侍講崇綺之女阿魯特氏爲皇后，定於本年九月舉行大婚禮。

△詔起彭玉麟巡閱長江水師。 △諭各省添撥京餉銀一百萬兩辦理大婚典禮。 △大學士

兩江總督曾國藩卒於任所，諡文正。 △以何璟署兩江總督。 △肅州回目馬占鰲投誠，官軍

進攻河州太子寺，失利，提督傅先宗、徐文秀陣亡，至是占鰲就撫。 西寧回目馬永福亦出降。

三月 △大學士瑞常卒，諡文端。 △官軍攻克烏鴉坡之苗寨，苗民投誠，乞撫者六萬餘人，貴

州苗亂平。 △甘肅循化之撒納就撫，循化洮州、岷州三廳，舊爲番族所居，卽史所稱之抱罕。